



Broj predmeta: 13-002752/22  
Broj akta: 01.1-1413EK-0018/23  
Datum, 2.2.2023. godine  
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», brojevi: 22/18 - prečišćeni tekst, 49/18, 08/19, 10/19 i 32/19), u skladu s članovima 25 i čl. 32 stav (1) Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda sa preporukom Komisije za javne nabavke broj: 13-13-002752/22 od 18.1.2023. godine i Mišljenja Pravobranilaštva Brčko distrikta BiH broj: M-109/23 od 1.2.2023. godine, gradonačelnik Brčko distrikta BiH d o n o s i,

## **ODLUKU O IZBORU NAJPOVOLJNIJEG PONUDAČA**

### **Član 1.**

(1) U provedenom otvorenom postupku za nabavku radova sanacije propratnog nasipa uz staro korito rijeke Tinje u MZ Vukšić i čišćenje starog korita rijeke Tinje za potrebe Odjeljenja za poljoprivredu, šumarstvo i vodoprivredu Vlade Brčko distrikta BiH, izabran je najpovoljniji ponuđač kojem se dodjeljuje okvirni sporazum za period u trajanju od tri godine od dana zaključivanja.

a) Naziv najpovoljnijeg ponuđača je „SANTOVAC“ d.o.o. Brčko.

Vrijednost okvirnog sporazuma sa uračunatim PDV-om iznosi **450.000,00 KM.**

### **Član 2.**

Postupak je proveden na osnovu Odluke o pokretanju postupka javne nabavke broj: 13-002752/22 od 14.10.2022. godine, Obavještenja o nabavci na portalu javnih nabavki broj: 1157-1-3-642-3-727/22 od 21.11.2022. godine, predmjera radova u vezi sa Tenderskom dokumentacijom broj: 13-002752/22 i ponude ponuđača.

### **Član 3.**

Finansiranje nabavke iz člana 1. ove odluke će se izvršiti budžeta Brčko distrikta BiH sa organizacionog koda 18030001, ekonomskog koda 613700, na osnovu usvojenih budžeta ili odluka o privremenom finansiranju za pripadajuće godine, računajući tri godine od dana zaključivanja okvirnog sporazuma.

### **Obrazloženje**

Komisija za nabavke je nakon izvršenog otvaranja ponuda konstatovala da je dostavljeno pet ponuda, ponuđača: "Santovaca" d.o.o. Brčko, "Agip" d.o.o. Brčko, "Gramat" d.o.o. Gračanica,

„Itinera S“ d.o.o. Brčko il „Papilon“ d.o.o. Čelić. Sastavni dio odluke čini zapisnik sa otvaranja ponuda, zapisnik o pregledu i ocjeni ponuda i izvještaj o toku i završetku e-aukcije. Komisija je izvršila analizu dostavljenih ponuda u pogledu prihvatljivosti prema obliku, sadržaju i potpunosti, te u pogledu načina pripreme i dostave ponuda i ustanovila da su ponude prihvatljive. Ponuđači su ocijenjeni kvalifikovanim i ponude prihvatljivim. Ustanovljeno je postojanje računskih greški u ponudama ponuđača „Agip“ d.o.o. Brčko i „Itinera S“ d.o.o. Brčko za koje su ponuđači dostavili saglasnost za ispravku. Nisu postojali elementi za sumnju u neprirodno nisku cijenu ponude. Izvršena je e-aukcija i došlo je do smanjenja cijena u odnosu na cijene sa otvaranja ponuda. Najpovoljnija ponuda se uklopila u procijenjenu vrijednost nabavke. Komisija za nabavke je u skladu sa kriterijem najniže cijene dostavila preporuku o dodjeli okvirnog sporazuma najpovoljnijem ponuđaču u postupku nabavke.

#### **POUKA O PRAVNOM LIJEKU:**

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

#### **DOSTAVLJENO:**

1. Pododjeljenju za javne nabavke,
2. Ponuđačima,
3. Gradonačelniku,
4. Odjeljenju za poljoprivredu, šumarstvo i vodoprivredu,
5. Arhivi.

**GRADONAČELNIK**

**Esed Kadrić**

